

Broj: 0-01/1- ____/23
Kakanj, ____.____. 2023. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 53. Odluke o izvršavanju Budžeta Općine Kakanj za 2023. godinu („Službene novine Općine Kakanj“, broj: 12/22), te člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na ____ sjednici održanoj dana _____.____.2023. godine donijelo je

**ODLUKU
o finansiranju troškova prijevoza redovnih učenika srednjih škola**

Član 1.

Ovom Odlukom utvrđuju se uslovi, korisnici i način finansiranja troškova prijevoza redovnih učenika srednjih škola sa područja općine Kakanj (u daljem tekstu: učenici) za školsku 2022/2023. godinu.

Član 2.

Učenici mogu ostvariti pravo na finansiranje troškova prijevoza na relacijama na kojima se održava redovan linijski prijevoz putnika, a na osnovu kupljene mjesečne karte.

Član 3.

Pravo na finansiranje troškova prijevoza imaju redovni učenici koji ispunjavaju sljedeće uslove:

1. imaju prebivalište na području općine Kakanj
2. redovno pohađaju srednju školu
3. ne stanuju u đaćkom domu niti na adresi izvan mjesta prebivališta, te svakodnevno putuju do škole.

Za učenike iz stava (1) ovog člana troškovi prijevoza će se finansirati u 100% iznosu.

Član 4.

Uz zahtjev za ostvarivanje prava na finansiranje troškova prijevoza korisnici su dužni dostaviti sljedeću dokumentaciju:

1. prijava prebivališta za učenika
2. potvrda o redovnom školovanju
3. ovjerena izjava da učenik ne stanuje u đaćkom domu ili privatnom smještaju i da svakodnevno putuje do škole na određenoj relaciji.

Zahtjev i izjavu iz stava (1) ovog člana ispunjava i potpisuje učenik koji je punoljetan, a za maloljetnog učenika njegov roditelj ili staratelj.

Dokumenti koji se dostavljaju kao dokaz o ispunjavanju uslova moraju biti originali ili ovjerene fotokopije.

Član 5.

Zahtjevi za ostvarivanje prava sa potrebnom dokumentacijom predaju se putem protokola Općine Kakanj i mogu se podnositi tokom cijele godine, s tim da se pravo na finansiranje troškova prijevoza podnosiocu prizna od dana podnošenja osnovanog zahtjeva.

Član 6.

O zahtjevu za ostvarivanje prava na finansiranje troškova prijevoza iz člana 5. ove Odluke rješenjem odlučuje Služba za društvene djelatnosti, boračka pitanja, raseljena lica, izbjeglice i povratnike, a protiv kojeg se može izjaviti žalba Drugostepenoj komisiji za žalbe Općine Kakanj.

Član 7.

Korisnik je dužan u roku od pet (5) dana od dana ostvarivanja prava iz člana 2. ove Odluke dostaviti potvrdu iz banke o tekućem računu otvorenom na ime učenika ukoliko je punoljetan ili na ime roditelja/staratelja ukoliko je učenik maloljetan i fiskalni račun o kupljenoj mjesečnoj karti na relaciji na kojoj se održava redovan linijski prijevoz putnika.

Član 8.

Korisnik prava iz člana 2. ove Odluke dužan je nadležnom prvostepenom organu prijaviti svaku promjenu koja utiče na ostvarivanje prava na finansiranje troškova prijevoza, a u roku od 8 dana od dana nastanka promjene.

Prvostepeni organ će po službenoj dužnosti, na osnovu dostavljene prijave ili saznanja na drugi način o osnovu za prestanak prava na finansiranje troškova prijevoza, donijeti rješenje o prestanku prava i isto dostaviti korisniku prava.

Korisnik prava na finansiranje troškova prijevoza, kome su isplaćena sredstva po ovoj Odluci, a na koja nije imao pravo, dužan je vratiti primljeni iznos, odnosno isti doznačiti na račun budžeta Općine Kakanj.

Član 9.

Finansijska sredstva za realizaciju ove Odluke obezbjeđuju se iz Budžeta Općine Kakanj.

Član 10.

Na osnovu rješenja o ostvarivanju prava na finansiranje troškova prijevoza, sredstva će se uplaćivati mjesečno na račun roditelja/staratelja učenika, odnosno na račun učenika ukoliko je punoljetan.

Visina mjesečne naknade utvrdit će se na temelju cjenovnika registriranih prijevoznika na relacijama na kojima učenici putuju, a na kojim se održava redovan linijski prijevoz putnika.

Ukoliko postoji razlika u cijeni ovlaštenih prijevoznika na istoj relaciji, isplaćivat će se naknada troškova prijevoza koju obračunava prijevoznik sa najnižom cijenom prijevoza.

Podaci o cjenovniku prijevoza obezbjeđuju se službenim putem, upitom kod registriranih prijevoznika koji održavaju redovan linijski prijevoz putnika.

Član 11.

Ova Odluka stupa na snagu danom donošenja i bit će objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić

O b r a z l o ž e n j e

I - PRAVNI OSNOV

Pravni osnov za donošenje Odluke o finansiranju troškova prijevoza redovnih učenika srednjih škola:

- član 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09);
- član 24. Statuta Općine Kakanj („Službene novine Općine Kakanj“, broj: 4/08);
- član 53. Odluke o izvršavanju Budžeta Općine Kakanj za 2023. godinu („Službene novine Općine Kakanj“, broj: 12/22)

II - RAZLOZI ZA DONOŠENJE ODLUKE

S obzirom da su registrovane autobuske linije na području općine Kakanj bile privremeno obustavljene, odnosno da autobuski saobraćaj nije funkcionisao, prijevoz učenika koji pohađaju srednje škole je znatno otežan ili onemogućen. Odlukom o finansiranju troškova prijevoza redovnih učenika srednjih škola nastojimo ponuditi najoptimalnije rješenje kako bi se stvorili uslovi da učenici srednjih škola sa područja općine Kakanj mogu redovno pohađati nastavu.

Imajući u vidu navedeno predlaže se donošenje Odluke o finansiranju troškova prijevoza redovnih učenika srednjih škola

Obrađivač
Služba za društvene
djelatnosti, raseljena lica,
izbjeglice i povratnike

Predlagač
Općinski načelnik
Mirnes Bajtarević